



ასპინძის სახელოები

ასპინძის მუნიციპალიტეტი * ოქტომბერი. 2020 * (8)65

სამცხე-ჯავახეთის სამხაიუო ადმინისტრაციის

სამცხე-ჯავახეთის მხარეში სახელმწიფო რწმუნებულმა ბესიკ ამირანაშვილმა COVID-19-თან დაკავშირებით შეხვედრა გამართა რეგიონის საკოორდინაციო სამუშაო ჯგუფთან, რომელსაც ესწრებოდნენ ძალოვანი უწყების წარმომადგენლები, მუნიციპალიტეტის მერები, დაავადებათა კონტროლის რეგიონული სამსახურის წარმომადგენლები და საზოგადოებრივი ჯანდაცვის სამსახურის ხელმძღვანელები.



შეხვედრის მონაწილეებს გააცნეს რეგიონში არსებული ეპიდეოლოგიური და გაცივა შესაბამისი რეკომენდაციები ბაზრებსა და სავაჭრო ობიექტებში, აგრეთვე საზოგადოებრივი ტრან-

სპორტით გადაადგილების დროს რინგის გამკაცრების შესახებ. დადგენილი წესების დაცვის მონიტორინგის ასევე ვირუსის გავრცელების პრე-

ვენციის მიზნით დაევალით ადგილობრივ თვითმმართველ ორგანოებს ადგილობრივი ჯანდაცვის სამსახურებთან ერთად განახორციელონ შესაბამისი მოკვლევები აჭარის ავტონომიური რესპუბლიკის მუნიციპალიტეტებში მოგზაურობის ისტორიის მქონე ინფიცირებულთა საექსპორტო კონტაქტების თაობაზე.

სახელმწიფო რწმუნებულის ადმინისტრაცია მოუწოდებს რეგიონის მოსახლეობას, მკაცრად დაიცვას რეკომენდაციები, მოერიდონ საზოგადოებრივი თავშეყრის ადგილებს და თავი შეიკავონ მაღალი საფრთხის მქონე რეგიონებში მოგზაურობისაგან.

მუნიციპალიტეტის საკრებულოში გაიმართა დისტანციური სხდომა

მიმდინარე წლის 18 სექტემბერს გაიმართა მუნიციპალიტეტის საკრებულოს მორიგი დისტანციური სხდომა.



საკრებულოს სხდომის ფარგლებში დეპუტატებმა, დღის წესრიგით გათვალისწინებული შემდეგი საკითხები განიხილეს;

1. ასპინძის მუნიციპალიტეტის საკუთრებაში არსებული უძრავი ქონების სსიპ „იურიდიული დახმარების სამსახურისთვის“ გადაცემაზე ასპინძის მუნიციპალიტეტის მერისათვის თანხმობის მიცემის თაობაზე;

(ს.კ. 60.10.34.522) გურამ ქამადაძის მერისათვის თანხმობის მიცემა, ასპინძის მუნიციპალიტეტის საკუთრებაში არსებული სასოფლო-სამეურნეო დანიშნულების მიწის ნაკვეთზე

2. ასპინძის მუნიციპალიტეტის მერისათვის თანხმობის მიცემა, ასპინძის მუნიციპალიტეტის საკუთრებაში არსებული სასოფლო-სამეურნეო დანიშნულების მიწის ნაკვეთზე

3. ასპინძის მუნიციპალიტეტის მერისათვის თანხმობის მიცემა, ასპინძის მუნიციპალიტეტის საკუთრებაში არსებული სასოფლო-სამეურნეო დანიშნულების მიწის ნაკვეთზე

(ს.კ. 60.10.34.520) საბრი ქამადაძისთვის იჯარის ხელშეკრულების ვადაზე ადრე შეწყვეტის შესახებ;

4. ასპინძის მუნიციპალიტეტის მერისათვის თანხმობის მიცემა ასპინძის მუნიციპალიტეტის საკუთრებაში არსებული სასოფლო-სამეურნეო დანიშნულების მიწის ნაკვეთებზე (ს.კ. 60.13.01.339 და 60.13.32.037) იაკობ ოთანაძისთვის იჯარის ხელშეკრულების ვადაზე ადრე შეწყვეტის შესახებ;

დეპუტატებმა წარმოდგენილი საკითხები ხმათა უმრავლესობით დაამტკიცეს, რის შემდეგაც საკრებულოს თავმჯდომარემ მამუკა მელიქიძემ სხდომა დახურულად გამოაცხადა.

მასპ ბერიძე

საპატიმრო ახრევნების შესახებ

საქართველოს პარლამენტის 2020 წლის 31 ოქტომბრის არჩევნებთან დაკავშირებით, N39 ასპინძის საოლქო საარჩევნო კომისია 1 სექტემბრიდან (არჩევნების გამოცხადების დღიდან) აქტიურად ჩაერთო არჩევნების მომზადებისა და ორგანიზების პროცესში. N39 ასპინძის საოლქო საარჩევნო კომისია წარმოდგენს N17 მაჟორიტარულ საარჩევნო ოლქის დამხმარე ოლქს, რომლის შემადგენლობაში შედის 23 საუბნო საარჩევნო კომისია (ამომრჩეველთა მთლიანი რაოდენობა შეადგენს 9 831 ამომრჩეველს).



30 სექტემბერს მოხდა საუბნო საარჩევნო კომისიების გახსნა და პირველი სხდომების გამართვა, რაც გულისხმობს საუბნო საარჩევნო კომისიების ხელმძღვანელი პირების (თავმჯდომარე, თავმჯდომარის მოადგილე და მდივანი) არჩევას; ასევე მოხდა ყველა უბანზე ამომრჩეველთა სიების გასაჯაროება და ეტაპობრივად – ამომრჩეველის მონაცემთა ბარათების დარიცხვა; კორონავირუსის (SARS-CoV-2) პანდემიით გამოწვეული

ინფექციის (COVID-19) გავრცელების პრევენციის მიზნით, ცესკოს მიერ მოხდა კენჭისყრის დღისთვის ზოგიერთი საარჩევნო ღონისძიებებისა და სანიტარულ-ჰიგიენური მოთხოვნების განსაზღვრა და საარჩევნო უბნებზე ვირუსის გავრცელების პრევენციის მიზნით სხვადასხვა ღონისძიებების გატარება, კერძოდ, ყვე-

ლა საარჩევნო უბანს გადაეცა ხელის სადღეინფექციო სხნარი, პირბადეები, ხელთათმანები; კენჭისყრის შენობის შესასვლელთან განთავსებულა დეზობარიერები (კოლექტიური დაცვის საშუალება), სადღეინფექციო სხნარის დისპანსერები და დისტანციის დაცვის სტიკერები. ყოველივე ეს ხელს შეუწყობს არჩევნების მშვიდ და შეუფერხებლად ჩატარებას. რაც შეეხება უბნის წევრებს, ყველა უბანი დაკომპლექტებულია საოლქო საარჩევნო კომისიის მიერ არჩეული სხვადასხვა საარჩევნო სუბიექტის მიერ დანიშნული 6-6 წევრისაგან.

საუბნო საარჩევნო კომისიების თორმეტივე წევრს ოთხ ეტაპად ჩაუტარდება ტრენინგები, რომელთაგან პირველი ეტაპი უკვე განხორციელდა, რაც უზრუნველყოფს არჩევნების მაღალ დონეზე ჩატარებას

ნიკოლოზ ლოლაძე,
N39 ასპინძის საოლქო საარჩევნო კომისიის
თავმჯდომარე

შეიქმნა ახალი განყოფილება



საქართველოს ორგანულ კანონებში – „ადგილობრივი თვითმმართველობის კოდექსი“, „ბავშვის უფლებათა კოდექსი“ და „სოციალური მუშაობის შესახებ“ – შესული ცვლილებების ამოქმედებასთან დაკავშირებით ასპინძის მუნიციპალიტეტის მერიის ადმინისტრაციული სამსახურის ჯანმრთელობის დაცვისა და

სოციალური უზრუნველყოფის განყოფილება გარდაიქმნა „ბავშვის უფლებათა დაცვისა და მხარდაჭერის, ჯანმრთელობისა და სოციალური უზრუნველყოფის განყოფილებად“.

განყოფილებაში დასაქმებული არიან ბავშვის უფლებათა დაცვისა და მხარდაჭერის სოციალური მუშაკი, ინსპექტორი, კოორდინატორი, ფსიქოლოგი, ჯანდაცვის სპეციალისტი და იურისტი.

ბავშვის უფლებათა დარღვევების ან ხელყოფის თაობაზე შეტყობინების შემთხვევაში, აღნიშნული განყოფილების სოციალური მუშაკი, ინსპექტორი, კოორდინატორი და ფსიქოლოგი, შესაბამის დანესტებულებთან კოორდინაციაში ახდენენ რეაგირებას ბავშვის კანონიერი ინტერესების ხელყოფისაგან დაცვის მიზნით, ამასთან ატარებენ საჭირო პრევენციულ ღონისძიებებს მუნიციპალიტეტში სკოლამდელი აღზრდის და ზოგადსაგანმანათლებლო დაწესებულებებში.

განყოფილების ძირითადი ფუნქციაა მუნიციპალიტეტში ბავშვის უფლებათა დაცვისა და მხარდაჭერის ღონისძიებების განხორციელება.

ბუნებრივი აირი ყველა სოფელს!



როგორც ჩვენი გაზეთის მკითხველებმა იციან, უკანასკნელი წლებია მუნიციპალიტეტის მასშტაბით არაერთი მნიშვნელოვანი პროექტი განხორციელდა მოსახლეობის როგორც სოციალური, ასევე ეკონომიკური მდგომარეობის გაუმჯობესების მიზნით. თუმცა არც ისაა დასაძალი რომ, დიდი ხანია ასპინძის მუნიციპალიტეტში შემოყვანილია გაზსადენი სისტემა, მაგრამ, გარდა ასპინძისა და რამდენიმე სოფლისა, ამ დიდი სიკეთით არ უსარგებლია სოფლის მოსახლეობის უმრავლესობას. რამდენიმე წლის ინტერვალის შემდეგ კი გაზიფიცირების პროგრამა დღის წესრიგში დადგა და აი სულ ახლახან, ამ მიმართებით გათვალისწინებული სამუშაო პროცესები განახლდა, რაც იმას ნიშნავს, რომ მნიშვნელოვნად გაუმჯობესდება მოსახლეობის ბუნებრივი აირით მომარაგება და ერთხელ და სამუდამოდ მოსახლეობა, სხვებთან ერთად, იმ დიდი სიკეთით ისარგებლებს, რასაც ბუნებრივი აირით მომსახურება ჰქვია, რითაც მნიშვნელოვნად შემცირდება ხე-ტყის სანვავად გამოყენების პრაქტიკა და შენარჩუნებული იქნება ჩვენი დიდი ეროვნული სიმდიდრე – ტყე.

მოსახლეობის გაზიფიცირების პროგრამის განხორციელებას აქტიურად აკვირდებიან მუნიციპალიტეტში და დიდ ყურადღებას აქცევენ მისი სწრაფი განხორციელების საქმეს. ამ მიზნით ამა წლის 24 სექტემბერს, ასპინძის მუნიციპალიტეტის მერი როსტომ მაგრაქველიძე და მერის მოადგილე ლევან ბერიძე მუნიციპალიტეტის სოფლებში გაზიფიცირების მიმდინარეობის პროცესებს გაეცნენ.

შპს „საქართველოს გაზის ტრანსპორტირების კომპანიის“ მიერ გამოცხადებული ტენდერის მიხედვით, გაზიფიცირებისთვის საჭირო გაზსადენის მშენებლობა ასპინძის ექვს სოფელში – იდუმალაში, ოშორაში, საყუდაბელში, ორგორაში, ძველსა და ჭობარეთში აქტიურად მიმდინარეობს.

აღნიშნული პროექტის ფარგლებში ბუნებრივი აირით უახლოეს მომავალში მუნიციპალიტეტის დაახლოებით 2000-მდე ადგილობრივი მოსახლე ისარგებლებს.

გაზიფიცირების პროცესი მომდევნო წლებშიც გაგრძელდება და იგი მოიცავს მუნიციპალიტეტის მასშტაბით ყველა სოფელს.

დამთავრდა ინფრასტრუქტურული სამუშაოები

დასრულდა ასპინძის მუნიციპალიტეტის სოფელ საროსა და ჭობარეთის სკოლებში ინფრასტრუქტურული სამუშაოები.

აღნიშნულ სკოლებში მოეწყო თანამედროვე სტანდარტებზე გათვლილი ადაპტირებული სველი წერტილები და გათბობის სისტემა.

სამშენებლო სამუშაოებს სოფელ საროში აწარმოებდა ტენდერში გამარჯვებული კომპანია შპს „ალმე“, ხოლო სოფელ ჭობარეთში – შპს „გიორგი ჯინო 1972“.

პროექტის მიზანია მუნიციპალიტეტის სკოლებში ნორმალური სასწავლო პირობების შექმნა.



იდუმალისა და კოლომის სკოლებში

დასრულდა ასპინძის მუნიციპალიტეტის სოფელ იდუმალის და სოფელ ტოლომის სკოლებში ინფრასტრუქტურული სამუშაოები.

პროექტის ფარგლებში სოფელ იდუმალის სკოლაში მოეწყო თანამედროვე სტანდარტებზე გათვლილი ადაპტირებული სველი წერტილები, რომელსაც ტენდერში

გამარჯვებული კომპანია შპს „ფასადი“ აწარმოებდა.

ასევე შეიკვალა საკლასო ოთახების კარები და კაპიტალურად შეკეთდა სკოლის ლობე.

სამშენებლო სამუშაოებს აწარმოებდა ტენდერში გამარჯვებული კომპანია შპს „ალმე“.



კიდევ ერთი პრობლემა მოიხსნა

ასპინძის მუნიციპალიტეტის სოფელ ოშორაში აქტიურად მიმდინარეობს მდინარე „ოშორულაზე“ მილხიდის მოწყობის სამუშაოები.

სამუშაოების მიმდინარეობის პროცესს ადგილზე ასპინძის მუნიციპალიტეტის მერი როსტომ მაგრაქველიძე და მერის მოადგილე ლევან ბერიძე გაეცნენ.

წლების განმავლობაში აღნიშნულ ტერიტორიაზე უამინ-

დობისა და წვიმების დროს გზის სავალი ნაწილი ხშირად იტბორებოდა, რაც ადგილობრივებს სასოფლო-სამეურნეო ნაკვეთებთან გადაადგილებაში ხელს უშლიდა.

სამშენებლო სამუშაოებს ტენდერში გამარჯვებული კომპანია შპს „საგზაო სამშენებლო სამმართველო N2“ აწარმოებს, რომელიც განსაზღვრულ ვადებში დასრულდება.



გიორგი ხიზამბარელი

ლეგენდარული მოჭი-
დავე გიორგი ხიზამბარე-
ლი, გადმოცემის მიხედვით,
ხიზამბარეა დაბადებული.
მისი მამა დავითი თურქთა
ძალმომრეობას განრიდებია
და ხიზამბარეიდან ნოსტრეში
გიორგი სააკაძისთვის შეუფა-
რებია თავი. სოფელზე უზო-

მოდ შეყვარებულ კაცს გვარი
გამოუცვლია და ხიზამბარე-
ლად დაწერილა. ასევე ხიზამ-
ბარელი გამხდარა მისი შვილი
გიორგი, რომელიც გიორგი
საკაძის მეთვალყურეობის
ქვეშ იზრდებოდა.
გიორგი ხიზამბარელს დი-
დად გაუთქვამს სახელი იმ პე-
რიოდის საქართველოში, - მას
არა ერთი ცნობილი ფალავანი
წაუქცევია.
ხიზამბარელის ვაჟკაცო-
ბაზე ბევრ ცნობილ ადამიანს
აქვს დაწერილი.
ხიზამბარელთა შთამომავ-

იაკობ ვარძიელი

იაკობ მიხეილის ძე
ვარძიელი დაიბადა 1852
წელს სოფელ ხიზამბარეში.
სწავლობდა ჯერ ხიზამბარის
დაწყებით სკოლაში, შემდეგ ბა-

თუმის გიმნაზიაში, რომელიც
1913 წელს დაამთავრა.
იმავე წელს იგი შედის მოს-
კოვის უნივერსიტეტის იური-
დიულ ფაკულტეტზე, რომელ-
საც ამთავრებს 1918 წელს.
1917 წლიდან იგი მუშაობას
იწყებს მოსკოვში, იყო ხაშოვი-
ჩის მილიციის კომისარი, მოს-
კოვის საბჭოს ადმინისტრაცი-
ული განყოფილების გამგე.
1920 წელს ვარძიელი საქარ-
თველოში ჩამოდის, როგორც
რუსეთის ფედერაციის კომი-
სარი.
1922 წელს იგი ინიშნება

მოსკოვისა და მოსკოვის გუ-
ბერნიის უფროსად, ხოლო 1922
წლის დეკემბრიდან მუშაობს
ქალაქ მოსკოვის „კრასნაია
პრესნაია“ რაიონის სასამართ-
ლო კოლეგიის თავმჯდომარედ.
1923 წელს საქართველოს
იუსტიციის სახალხო კომისა-
რია, შემდეგ, სხვადასხვა დროს,
- საქართველოს პროკურორი,
ცაკის მდივნი, ამიერკავკასიის
სფსრ მუშათა და გლეხთა ინს-
პექციის სახალხო კომისიის
მომადგილე, ამიერკავკასიის სახ-
კომსაბჭოს საქმეთა მმართვე-
ლია. გარდაიცვალა 1938 წელს.

დასასრული. დასაწყ. იხ. N 5-7

ომის დამთავრების შემდეგ ქვეყანაში
სიტუაცია მნიშვნელოვნად გამოსწორდა და
შემშობის პრობლემაც მოიხსნა.
პაულის მესამე შვილს, როგორც ზემოთ
აღვნიშნეთ, სპირიტუალური რქმევი, მის შვი-
ლებს - კონსტანტინე, თევდორე, დემეტრე
და ეფრემი. ეფრემი მღვდლად მსახურობდა
სოფელ ჭობარეთის ეკლესიაში, ყოფილა
ძალიან განათლებული და გულისხმიერი
ადამიანი; დემეტრე ჯვარიძეს სოფლის მა-
მასახლისად უმსახურია; კონსტანტინე კი
ძალიან მოხერხებული და გამჭრიახი გონე-
ბის ადამიანი იყო. მასთან დაკავშირებით
ერთ საინტერესო ამბავს წარმოგიდგინებ:
იგი ასპინძაში ჩამოსულა ოჯახის საქმეზე.
უკან დაბრუნებისას, ახაშენის ხიდი უნდა
გადმოეგლო. როცა ხიდზე შემდგარა, ახაშ-
ნელი თათრები ამ დროს ვილაცის ერდოზე
იდგნენ თურმე და უთქვამთ: ჭობარელი
კოსტანია მოდის და მაგას სიტყვაში ვერა-
ვინ მოუგებსო. ამათგან ერთ-ერთი თათარი,
რომელსაც სახელად რაჭა რქმევი, ნიძლავი
დაუდია ბატკანზე, - კოსტანას სუფრასთან
დაესვა და პურს არ ვაჭმევო. როცა კოს-
ტან პაპა მათ მიუახლოვდა, რაჭამ სახლში
შეიპატიჟა. კოსტან პაპას თავიდან არ გაჰ-
კვირვებია, რადგან ახაშნელი თათრებიც
ხომ, ოდესღაც, ქართველები ყოფილან და
სტუმარ-მასპინძლობაც იცოდნენ, მაგრამ,
როცა სახლში შესულან, ცნობისმოყვარე-
ები - ზოგი ერდოდან მოადგნენ, ზოგიც - კა-
რებთან ატუზულან. კოსტან პაპა მიმხედარა,
რომ საქმე რალაცაში იყო და როცა სუფრას
მოსხდნენ, მაშინდელი წესის მიხედვით, რა-
ჭამ თათრული რიტუალი ჩაატარა და თქვა:
ახლა მივირთვით პურ-მარილიო. ერთი ნაჭე-
რი პური რომ მოტყუა, - მოულოდნელად, პუ-
რის ჭამის დამთავრების რიტუალი ჩაატარა
და მასპინძლებიც ფეხზე წამოდგნენ, სადი-
ლის დამთავრების ნიშნად. მოულოდნელად,
კოსტან პაპამ ნირი არ შეიცვალა, იმანაც
ჩაატარა თათრული რიტუალი, ფეხზე წამოდ-
გა, ქუდი მოიხადა, ვითომ არაფერიო, პურის
ჭამის დაწყების კითხვით რიტუალი ჩაატარა
და თქვა: აქამდე თათრული წესით ვჭამეთ
პური, ახლა კი, უფლის ნებით, ქართული წე-
სით გავაგრძელოთ პურის ჭამაო. თათარმა
რაჭამ ნიძლავი ნააგო და იძულებული გამხ-
დარა, იმავე საღამოს, ბატკანი დაეკლა.
სპირიტუალური ჯვარიძის შთამომავალი იყო
ონისიმე (ონისე) ჯვარიძე, რომელიც რევო-
ლუციონერებთან კავშირში იყო და, საქარ-
თველოს გასაბჭოების შემდეგ, თბილისის ერთ-
ერთი რაიონის აღმასკომის თავმჯდომარედ
დაუნიშნავთ. მას ცოლად ბერძენი ეროვნების

ქალი ჰყოლია. ცოტა ხანში ონისიმე დაუპა-
ტიმრებიათ, კონტრრევოლუციონერებთან
კავშირის ბრალდებით და მეტეხის ციხეში
ჩაუსვამთ. მის ცოლს ეს ამბავი ჭობარეთში
მცხოვრები ნათესავებისთვის შეუტყობინე-
ბია. კოსტან პაპა თბილისში წასულა, მეტე-
ხის ციხეში მისულა და მოუკითხია ონისიმე.
იქ ვილაცას უთქვამს, - აქედან წადი, შარი არ
აიკიდო და თავი გარაუბედურო, ეს კაცი

ნოდარ (ბაჩო) ჯვარიძე, რომელიც სამუშაოს
საძებნელად ალმა-ატის ოლქში გადავიდა,
სადაც ურჩიეს, თურმე, - ქალაქ კასკელანში
გადასულიყო, რადგან ახალი ქალაქი იყო და
ბევრი სამუშაო იშოვებოდა. იგი გვიან იხსე-
ნებდა: „როცა კასკელანის ავტოსადგომში
ჩავიდე, თავი ახალციხეში მეგონა, სულ ჩვე-
ნებური გარეგნობის ხალხი მიდი-მოდიოდა.
ერთს რუსულად ვკითხე, - სადაური ხარო

მე ვუთხარი - ლუკას შვილისშვილი ვარო. ეს
რომ გაიგო, ძალიან გაეხარა და მითხრა: -
მე ყარა-ყიზის შვილი ვარ, ანუ იმ ორცეფელი
ქურთების შთამომავალი, რომელთა ოჯახ-
მაც თალანის დროს ბადალიენი შეიფარა და
გადაარჩინა. ამ კაცმა წამიყვანა თავისთან და
აღმოჩნდა, რომ ყარა ყიზი, ორი წელია რაც
გარდაიცვალა.

ნოდარი ასევე იხსენებდა, რომ ყარა-ყი-
ზი, მათივე გადმოცემით, სიკე-
დლის ბოლო წუთამდე, თურმე,
ჩვენი ოჯახის ხსენებაში ყოფი-
ლა და ძალიან ვენატრებოდითო.
ყველა ტიროდა, მე რომ მხედვე-
დნენ. ერთმა ხეთელმა თავის
ბაღში მიმიყვანა და ჭანჭურის
ხე მაჩვენა, ხმელი ჭანჭური
გვექონდა წამოღებული, კურკე-
ბი ჩავრგეთ და მხოლოდ ამან
გაიხარა და მთელი ხალხი მას
უვლიდა-თურმე, - სამშობლოს
გვაგონებო. ნოდარი ასევე იხ-
სენებდა - სამუშაოს ავეძიდი,
მაგრამ სამი კვირის განმავლო-
ბაში ყველას ოჯახიდან ოჯახში
გადავყავდიო.



ჯვარიძეების გვარის ისტორია

ისეთი ბრალდებით არის დაპატიმრებული,
შენც მის გვერდით აღმოჩნდებო. მაგრამ
კოსტან პაპას ყური არ უთხოვებია და მაინც
მოუხერხებია მასთან შეხვედრა. ონისიმეს
უთქვამს: შენ მე ვერ მიშველი და ჩემს ოჯახს
მაინც მიმიხედო. კოსტან პაპას ყველანა-
ირად უცდია მისი ციხიდან დახსნა, მაგრამ
ვერაფერს გამხდარა. ონისე ჯვარიძე, სავა-
რაუდოდ, დაუხერხებიათ, მის ოჯახს კი კონს-
ტანტინე ყურადღებას არ აკლებდა.
ომის დამთავრების შემდეგ ცხოვრება
ჩვეული რიტმით გაგრძელებულა. სოფელე-
ბი კოლმეურნეობაში დაუსაქმებიათ, მაგრამ
შემოსავალი საკმარისი რომ არ ჰქონდათ,
ე.წ. ყაზახეთში - „ყამირ მიწებზე“ გარე სა-
მუშაოებზე, წასულან. ჯვარიძეების გვარის
ბევრი ახალგაზრდა იქვე დაქორწინებულა და
საცხოვრებლად ყაზახეთში დარჩენილან, ზო-
გიერთი მომთაბარეობდა, - გაზაფხულობით
ჩამოდოდნენ და გვიან შემოდგომით ბრუნ-
დებოდნენ უკან. ისინი, ძირითადად, კუსტა-
ნაის ოლქში დადიოდნენ სამუშაოდ, ზოგმა
უკეთესი ცხოვრება მოინდომა და სხვადასხ-
ვა ქალაქებშიც დასახლდნენ, მათ შორის -

და, რუსულადვე მიბასუხა - ხეთელიო. კი,
მაგრამ, ხეთში ყველას ვიცნობ და შენ არ
მინახიხარ, ქართულად ვუთხარი. მან გაიცი-
ნა და დამტყრეული ქართულით მითხრა, რომ
მე აქაური ხეთელი ვარ და შენ სადაური?
მეც ვუბასუხე, - ჭობარელიო. აღმოჩნდა,
რომ, თურმე, ეს ქალაქი ე.წ. „თურქი-მესხე-
ბით“ ყოფილა დასახლებული და სტალინის
პერიოდში ასპინძისა და ახალციხის რაიონე-
ბიდან გადასახლებული ხალხი ცხოვრობდა.
ხეთელმა სახლში სიხარულით მიმიპატიჟა,
- პაპაჩემს გაეხარებდა შენი ნახვაო. როცა
გავიგეს, ვინ ვიყავი, ყველამ ჩემი თავისთან
ნაყვანა მოინდომა, რომ თავიანთი მოხუცი
პაპებისა და ბებებისთვის ვენახებინე. მე-
კითხებოდნენ თავიანთი სოფლების შესახებ,
აქა და აქ ჩვენი ჭანჭურის ხეები იყო გაშე-
ნებული, აქ - კაკლის, აქ - ჩვენი „დოსტი“
ცხოვრობდა... ერთი მოხუცი კაცი მოვიდა,
რომ გავეგო, ჭობარელი ვიყავი და მკითხა:
ვისი შვილი ხარო. რომ ვუთხარი, ბადალიენი
ერთ-მეთქი, გახარებულმა მითხრა: ბადალიენი
ჩვენი დოსტები იყვნენ და ლუკა პაპასთან
ყველაზე მეტად ჩვენი ოჯახი მეგობრობდაო.

გასულ წელს ჯვარიძეების
გვარი დალოცა საქართველოს
კათალიკოს-პატრიარქმა ილია
მეორემ, დაინერა ჯვარიძეების
გვარის ხატი, შეიქმნა გერბი და
დროშა. გვარის დევიზია: „ბრძო-
ლა, შრომა და ლოცვა“. დროშის,
ხატისა და გერბის შექმნის ინიციატორი გენა-
დი ჯვარიძეა, რომელსაც გვერდში დაუდგნენ
ახალგაზრდა ჯვარიძეები. დღეს ჯვარიძეები
ქვეყნისთვის ბევრ სასიკეთო და საზოგადო
საქმეებს ეწევიან. კერძოდ, სპარტაკ ჯვარიძე
ეკლესია-მონასტრების საუკეთესო რესტარ-
ვატორია. მან ალაღვიანა ჭობარეთის სიახ-
ლოვეს მამიხეთის ეკლესია, ასევე - ახაშენის
ეკლესია და სხვა მრავალი. ასევე, ეკლესიის
მშენებლები არიან გელა და თორნიკე ჯვა-
რიძეები, რომლებიც ამჟამად ბაიების მო-
ნასტრის აღდგენა-რესტავრაციას ეწევიან
ურავლის ხეობაში. გვეყვას სახალხო მთქმელი
ზაურ გიორგის ძე ჯვარიძე, რომლის ლექსე-
ბა დიდი პოპულარობა მოიპოვა და სისტემა-
ტურად იტყობდა გაზეთ „ლიტერატურული
მესხეთის ფურცლებზე“.
ასე დავასრულოთ ჯვარიძეების გვარის
ისტორია ამ უტაპისთვის. ღმერთმა ამრავ-
ლოს ქართველი ერი, ყველა გვარი და მათ
შორის - ჯვარიძეები.

გიორგი ჯვარიძე

კარტოფილის შენახვის ტექნოლოგია

კარტოფილის მოსავლის აღების მთავარ
რი მაჩვენებელია კარტოფილის სიმწიფე:
მცენარის დაბერება, კარტოფილის ტუ-
ბერის კანი უნდა იყოს გამძლე, მოსავლის
აღების დროს კანი აღარ იხეხება, ხოლო
კარტოფილის ხარისხიანი შენახვა დამოკი-
დებულია სამ ძირითად ფაქტორზე: ტემპე-
რატურულ რეჟიმზე, ჰაერის ტენიანობასა
და ჟანგბადზე.
ფერმერულ მეურნეობებში რეკომენდე-
ბულია - კარტოფილის მოსავლის აღების-
თანავე მოსავალი არ შევიტანოთ საწყობში.
აუცილებელია მისი გაგრილება მოხდეს გა-
რეთ, გადარიჩხვ დიდი ყურადღებით, რათა
საწყობში არ შეჰყვეს დაზიანებული და და-
ავადებული ტუბერები, ამით ვუზრუნველ-
ყოფთ მინიმუმამდე დავიდეს მოსავლის
ლპობა.
კარტოფილის მოსავლის აღების შემ-
დეგ ტუბერი 40-45 დღის განმავლობაში
განაგრძობს დამწიფებას, ამ პერიოდში მო-
სავლის აღებისას მიყენებული დაზიანება
თანდათან ხორცდება, კანი მაგრდება და

გემო უმჯობესდება. ჰაერის ოპტიმალური
ტემპერატურა ამ პერიოდში უნდა იყოს 18-
190C-სი, თუმცა შეიძლება (ამინდის გამო)
დაეცეს 11-130 C-მდე, ტენიანობა - 90-95%.
ამ დროის განმავლობაში სასურსათე კარ-
ტოფილი უნდა ინახებოდეს სიბნელეში,
ხოლო სათესლე შესაძლებელია შევიწა-
ხოთ სინათლეზეც. აღნიშნული პერიოდის
ამგვარ პირობებში თავს იჩენს ტუბერის
ყველა ფარული დეფექტი, ამიტომ ხანგრ-
ძლივი დროით შესანახად (დაზიანებამდე)
ისინი უნდა გადავარჩიოთ, დაზიანებული
და დაავადებული ტუბერები კი
მოვაშოროთ.
სასურსათე კარტოფილის
ხანგრძლივი შენახვისთვის საჭი-
როა უფრო დაბალი ტემპერატურა - 2-30 C-სი,
მცირე დროით შენახვისათვის (2-3 თვე) ტემ-
პერატურა შესაძლებელია იყოს
უფრო მაღალი, მაგრამ არა უმე-
ტეს 5-70C-ისა. კარტოფილის
ხანგრძლივი შენახვის დროს ტე-

ნიანობა უნდა იყოს 85-93%. თუ ტენიანობა
უფრო მაღალია, ტუბერი ნაადრევად ღვი-
დება, ხოლო 70% ტენიანობის პირობებში
რბილდება.
ვენტილაცია კარტოფილის ხარისხი-
ანად შენახვის ერთ-ერთი მნიშვნელოვანი
პირობაა. უფანგბადო გარემოში ტუბერი
იგუდება და ფუჭდება. ხოლო ჟანგბადის
სიმცირისას შავდება რბილობი (პირველ
რიგში გული). მოსახერხებელია ბადისებრი
ტომრები, რომლებშიც კარგად ხდება ვენ-
ტილაცია. ტომრები უმჯობესია დავანყოთ

შტაბელებად 1-1,5 მეტრის სიმაღლეზე.
აგრეთვე გასათვალისწინებელი ფაქტო-
რებია საოჯახო საწყობებში: კარტოფილმა
შეიძლება „მინის“ სუნი გადასდეს ვაშლს და
მსხალს თუ ჰაერის ვენტილაცია სათანადო
არ არის. კარტოფილმაც შეიძლება მიიღოს
სხვა არომატი სხვა პროდუქტებისაგან.
ამჟამად დაბა ასპინძაში შ.პ.ს მტკ-ს
მიერ მოწყობილია და ფუნქციონირებს სა-
საწყობე მეურნეობა 800 კვ.მ. ფართობზე.
აქედან 200კვ.მ. არის სამაცივრე მეურნე-
ობა, რომელიც ასაწყობებს 100 ტ. კარტო-
ფილს, ხოლო 600კვ.მ საწყობი სათავსო
- ასაწყობებს 400-500 ტ. კარტოფილს. სა-
საწყობე მეურნეობა მოსახლეობას კარტო-
ფილის შენახვასთან ერთად სთავაზობს
კარტოფილის დახარისხებას.
**ოლღა
გირიძე-პელიჯანაშვილი,
ასპინძის საინფორმაციო საკონსულტა-
ციო ცენტრის
ნამყვანი სპეციალისტი**



წარსულის ფურცლები



სასალონი პავილიონი ასპინძის რაიონში

„შეაყარე კედელს ცერცვი“ ანუ დროა მეტი

პასუხისმგებლობა გამოვიჩინოთ!

ძვირფასო მკითხველო, აი ეს მერამდენედ გვინევს ამ საკითხზე საუბარი, მაგრამ, როგორც ქართული ანდა-ზისა არ იყოს, „შეაყარე კედელს ცერცვი“, მდგომარეობა არა და არ იცვლება, პირიქით კი ხდება და განმკითხავი არავინ არ არის.

გადავხედოთ ავტოსაგზაო შემთხვევების სტატისტიკას და დამერწმუნებით, რა საგანგაშო მდგომარეობის წინაშე ვდგავართ! ეს, რა თქმა უნდა, პირველ რიგში უკანასკნელ ხანებში ეგრერიგად გახშირებულია, ე.წ. „ტრაილერების“ მომრავლებამ და, მეორეს მხრივ საგზაო მოძრაობაზე მკვეთრმა უკონტროლობამ რომ გამოიწვია, ესეც ცხადია.

ვისაც კი ხშირად უნევს ასპინძა - ახალციხის მიმართულებით მგზავრობა, ყველა დამეთანხმება, რომ ჯოჯოხეთის გზებზე უხდებოდა ადგილობრივ ავტოსატრანსპორტო საშუალებების მფლობელებს გავლა, რომ დანიშნულების ადგილს უსაფრთხოდ მიაღწიონ. „ტრაილერების“ კოლონები ისე კეტავენ გზებს, შეუძლებელი ხდება გადასვლა. მე ამჟამად ჩვეულებრივი მგზავრის თვლით დანახულ ერთ-ერთიან სატრასტიკაზე მინდა შევაჩერო თქვენი ყურადღება და თავად დარწმუნდებით, რომ ასე ცხოვრება უკვე შეუძლებელია და არავინ იცის ხვალისდელი დღე რას გვიქადას.

სულ ცოტა ხნის წინ რამდენიმე ავტოსაგზაო შემთხვევა სოფელ რუსთავის შესასვლელთან და მის სიახლოვეს მოხდა, რის შედეგადაც მძიმედ დაშავდა სამი მგზავრი, ასევე ავტოსაგზაო შემთხვევა მოხდა როგორც სო-

ფელ იდუმალსთან, ასევე ე.წ. მეშვიდე კილომეტრზე და ა.შ. ყველას აღარ ჩამოვთვლი, მუნიციპალიტეტში მცხოვრებლებმა ეს ფაქტები კარგად იციან, აქ მხოლოდ ერთ ფაქტზე ვამხილებ ყურადღებას - ავტოსაგზაო შემთხვევების უმეტესობა „ტრაილერების“ გამოისობით არის.

აბა დააკვირდით - მთელი კოლონები ისე მოძრაობენ, რომ არ იცავენ დისტანციებს, გზები იკეტება და ისედაც ავარიულ მონაკვეთებზე ყოველ წუთს მოსალოდნელია ავტოსაგზაო შემთხვევები..

აქვე ერთ ფაქტზეც მინდა შევაჩერო მკითხველის ყურადღება: არაერთხელ გვითქვამს, რომ დაბის ცენტრში, „ლიბერთი ბანკის“ შენობიდან დანახული ე.წ. დეკორატიული კბეების დასაწყისამდე (მკვეთრი მოსახვევის მიუხედავად) კვლავ მაღალი სისწრაფით მოძრაობენ ავტომანქანები და ასევე იქმნება ავტოსაგზაო შემთხვევების საშიშროება.

ეს ფაქტები, პირველ რიგში გასათვალისწინებელი და ვის კომპედენციასაც წარმოადგენს მისი დაცვა და საჯარიმო სანქციების გატარება, მეტი პასუხისმგებლობით უნდა ეკიდებოდნენ მინდობილ საქმეს. კარგად უნდა გვახსოვდეს, რომ ვინც თავის მოვალეობას ჯეროვნად არ ასრულებს, მით უფრო ესოდენ საპასუხისმგებლო მისიის შესრულებისას, ისინიც თავიანთი დაუდევრობით თანამონაწილეები ხდებიან ამ მეტად საშიში პროცესებისა.

ავთანდილ მესხი

ასპინძაში კორონავირუსთან დაკავშირებით, პრევენციული ღონისძიებები აქტიურად ხორციელდება



დღე არ გავა, საინფორმაციო საშუალებებით არ შევიტყუოთ როგორც ქვეყანაში, ასევე მსოფლიო მასშტაბით პანდემიის თაობაზე შემასუფოთებელი ინფორმაციები, რაც დილემის წინაშე აყენებს თითოეულ მოქალაქეს და ისინიც ყველაფერს აკეთებენ იმისათვის, რომ მკაცრად დაცვან სპეციალისტების მითითებები და მოთხოვნები.

თითქმის ყველა შეეჩვია პირბადეების გამოყენებას დახურულ სივრცესა თუ საზოგადოებრივი ტრანსპორტით მგზავრობის დროს, აქტიურად იცავენ დისტანცირებას შესაბამის სახელმწიფო თუ კერძო სტრუქტურებში ვიზიტისას, თუმცა პანდემიამ მაინც საგანგაშო მდგომარეობა შექმნა ქვეყანაში. მართალია პირველმა ეტაპმა თით-

ქოს უმტკივნეულოდ ჩაიარა და, როგორც იტყვიან, „თავი დავალციე“, მაგრამ კორონავირუსის ეპიდემიის მეორე ეტაპმა ბევრი საფიქრალი გაგვიჩინა. ამიტომ ადგილობრივი თვითმმართველობის წარმომადგენლები პრევენციულ ზომებს აქტიურად ატარებენ, რათა მინიმუმამდე შევამციროთ მოსალოდნელი პრობლემური პროცესები.

ასპინძა პანდემიის გავრცელების დაბალი დენით, თუმცა ყველა მუნიციპალიტეტთან შედარებით შესამჩნევად გამოირჩევა, იგი თვითდამშვიდების საშუალებას მაინც არ უნდა გვაძლევდეს. ყველამ უნდა გაითავისოს, რა პრობლემების შექმნა შეუძლია თვითდაჯერებას და, ამიტომ, მკაცრად უნდა დავიცვათ სპეციალისტთა ყველა რჩევა, დარიგება, რასაც შეუძლია უმტკივნეულოდ გამოგვიყვანოს ამ პროცესებიდან.

ამ მიზნით მუნიციპალიტეტის მერიის დიდი ძალისხმევით არ ნელდება პროფილაქტიკური ღონისძიებები და, აი, სულ ახლახან კვლავ განახლდა სადუზინფექციო სამუშაოები როგორც მუნიციპალიტეტის საჯარო სკოლებში, ასევე სკოლამდელი აღზრდის დაწესებულებებში, ადმინისტრაციულ შენობებში თუ საზოგადოებრივი თავშესაფრის ადგილებში.

აღნიშნული სამუშაოები საქართველოს ჯანდაცვის სამინისტროს რეკომენდაციების შესაბამისად ტარდება.

ინფორმაციები მოგვაწოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა

რედკოლეგია

მჯერა

ქართველთათვის იყო სამცხე, ცოდნის კერა ამაგდარი. ქვეყნის გამანათლებელი და კულტურის კელაპტარი.

არ ჩავაქროთ, გავაღვივოთ პოეზიის ნაპერწკალი, ყველა მესხურ ოდაშია რუსთაველის ნატერფალი.

მჯერა, კვლავაც შექმნის შედეგს, ვინმე მესხი შოთას მგვანი, რითაც ყველას განაცვიფრებს ვითარც „ვეფხისტყაოსანი“.

მჯერა, წმინდა სიყვარულის და მიჯნურთა ტრემლის ღვარის, მჯერა, სულის ვაჟკაცურის ქართველების მოდგმა-გვარის.

მჯერა, კვლავაც არ ჩაქრება, ზეგრძობათა ქარიშხალი, ქაჯთა ციხეს კვლავ შელენავს მეგობრისთვის მეგობარი.

მჯერა, ვერცხლი არ გახდება სულზე უფრო ფასეული, მჯერა, კვლავაც აგვამალლებს. სიყვარულის სასწაული.

ჭობარეთი

პატარა საოცრებაა ეს ჭობარეთი მზიანი, შეზავებული პაერთი, ღვიის და ფიჭვის ტყიანი.

ამ დრომდე შემორჩენილი წარსულის ნაშთებია, იდუმალებით მოცული გვირაბებ-დარბეზიანი. ძირძველი, ფუძემდარი, ბავშვიან-მოხუციანი, ტრადიციების დამცველი, წყნარი და მშვიდობიანი. გამრჯე, მეურნე სოფელი და დოვლათ-ბარაქიანი. მესხური სულის სამჭედლო, შვილთათვის ამაგიანი, საიმედო და ამტანი, პირიან-ნამუსიანი, შრომაში გამობრძმედილი, ზრდილი და თავზიანი. დიდხანს სტანჯავდნენ რჯულისთვის, არ ჩანდა დასასრულია, მაინც ვერ შეაცვლევინეს ქართველობა და რჯულია. გამრავლდი, ჩვენო სოფელო, - სიმრავლე სიხარულია, ასე ამბობდნენ წარსულნი, აცხონოს მათი რჯულია. ისწავლე, სწავლით ქებულო, მესხო, რუსთაველის ჯიშისა, ნიგნი წყაროა ცოდნისა, - სწავლა-წერონა არის ნიჭისა. ღმერთი გფარავდეს, სოფელო, მუდამ გენეროს ჯვარია, შური და მტრობა გაცილოს, ძმამ ძმას უმაგროს მხარია.

ავტორ-მთქმელი

ზაურ ჯვარიძე, სოფელი ჭობარეთი



სპორტი

„მასტერ-ლიგა – 2020 -ის“ ფარგლებში მიმდინარეობს



მიმდინარე წლის 17 სექტემბერს, ასპინძის ცენტრალურ სტადიონზე, „მასტერ ლიგა 2020“-ის ფარგლებში 7X7-ზე ფეხბურთის სამოყვარულო ჩემპიონატის მუნიციპალური თამაშები დაიწყო. ჩემპიონატში მუნიციპალიტეტის მასშტაბით 8 გუნდი მონაწილეობს, 2 ჯგუფად და წრიული სისტემით.

პირველ თამაშში ერთმანეთს სოფელ დამალის და ძველის გუნდები დაუპირისპირდნენ. შეხვედრა ანგარიშით 5:1 დასრულდა, რომელშიც გამარჯვება ძველის გუნდმა მოიპოვა.

მეორე თამაშში ერთმანეთს სოფელ რუსთავისა და ივერიის გუნდები შეხვდნენ, დაძა-

ბულ ბრძოლაში ანგარიში 2:2 ფრედ დამთავრდა.

აღნიშნულ ტურნირს ასპინძის მუნიციპალიტეტის მერი როსტომ მაგრაქველიძე, 7X7-ზე ფეხბურთის ასოციაციის ვიცე პრეზიდენტი ლაშა ჭიჭიკილი და ადგილობრივი თვითმმართველობის წარმომადგენლები ესწრებოდნენ.

ტურნირი გაგრძელდება 25 ოქტომბრამდე და გამარჯვებული გუნდი რეგიონულ თამაშში მიიღებს მონაწილეობას.

თამაშებს ორგანიზებას საქართველოს 7X7-ზე ფეხბურთის ასოციაცია და ასპინძის მუნიციპალიტეტის მერიის კულტურის სამსახური უწევენ.

